



UPM terajui pemindahan teknologi pertanian dalam kerjasama strategik bersama ATM



Oleh: Noor Eszereen Juferi

ULU TIRAM, 24 Jun – Universiti Putra Malaysia (UPM) terus memperkukuh peranannya sebagai peneraju pembangunan pertanian negara menerusi kerjasama strategik dengan Angkatan Tentera Malaysia (ATM) dalam menjayakan Program Ekonomi MADANI: Projek Halia Bentong yang dilancarkan oleh Menteri Pertahanan, Dato’ Seri Mohamed Khaled Nordin di Pusat Latihan Tempur Tentera Darat (PULADA), Kem Ulu Tiram.

Kerjasama itu membuka lembaran baharu dalam penggabungan kepakaran akademik dan institusi pertahanan negara bagi membangunkan sektor agromakanan bernilai tinggi melalui penyelidikan, inovasi, pemindahan teknologi serta pembangunan komuniti.

Pengerusi Lembaga Pengarah UPM, Dato’ Sri Jailani Johari berkata, kerjasama tersebut membuktikan bagaimana kepakaran universiti dapat diterjemahkan kepada penyelesaian yang memberi impak langsung kepada pembangunan negara dan kesejahteraan masyarakat.

“UPM melihat ATM bukan sekadar benteng pertahanan negara malah sebuah institusi yang mempunyai potensi besar untuk diperkasakan melalui pembangunan ekonomi berasaskan ilmu, penyelidikan dan teknologi.



“Melalui kerjasama ini, kepakaran UPM dalam bidang pertanian dan inovasi dapat dimanfaatkan bagi membangunkan projek yang memberi manfaat kepada anggota tentera, veteran ATM serta masyarakat secara keseluruhannya,” katanya.

Tambah beliau, Projek Halia Bentong merupakan contoh bagaimana hasil penyelidikan universiti dapat diterjemahkan kepada pelaksanaan sebenar yang mampu menjana pendapatan, mewujudkan peluang keusahawanan serta menyokong agenda keterjaminan makanan negara.

“Apabila universiti, kerajaan dan ATM berganding bahu kita bukan sahaja menghasilkan teknologi dan inovasi baharu malah membina komuniti yang lebih berdaya tahan, berpendapatan tinggi dan mampu menyumbang kepada kemakmuran negara. Inilah semangat Malaysia MADANI yang ingin direalisasikan,” katanya.

Dato’ Sri Jailani berkata, UPM amat berbesar hati menjadi rakan strategik kepada ATM dalam memperkukuh agenda pembangunan ekonomi komuniti melalui pendekatan berasaskan ilmu, penyelidikan dan inovasi.

“Kerjasama antara institusi pendidikan tinggi dan ATM mampu menjadi model kolaborasi nasional yang menghubungkan kekuatan akademik dengan keupayaan institusi pertahanan dalam menghasilkan penyelesaian berimpak tinggi kepada negara,” katanya.



Dalam pada itu, UPM dan ATM dijangka memperluaskan kolaborasi dalam pelbagai bidang termasuk pertanian pintar, keterjaminan makanan, penyelidikan guna, inovasi teknologi, pembangunan modal insan, latihan teknikal serta pemerksaan ekonomi veteran ATM dan komuniti setempat.

Inisiatif tersebut selaras dengan komitmen UPM untuk terus memperluas pemindahan ilmu dan teknologi kepada masyarakat serta menyokong agenda pembangunan negara menerusi penyelidikan yang memberi impak kepada kesejahteraan rakyat dan kemakmuran Malaysia MADANI.

Other News

UPM, National Taiwan Universit...
[Read more »](#)

UPM cungkil bakat matemati...
[Read more »](#)

Unity Fest satukan mahasiswa...
[Read more »](#)

UPM Perkasa Pelajar Sekolah...
[Read more »](#)

UPM anjur Program Zakat...
[Read more »](#)

Young Scientist Day 2026 lahirka...
[Read more »](#)

News Archive

Latest

Year

2026

2025

2024

2023

2022

2021

2020

2019

2018

2017



Universiti Putra Malaysia
43400 UPM Serdang
Selangor Darul Ehsan
Malaysia

+603-9769 1000
pspk@upm.edu.my

Media

News
Article
Video
UPM in the News
Document

Contact Us

Feedback

Others

UPM Holdings
UPM Plate Number
Give to UPM
Tender and Contracts
Ministry of Higher Education
UPM AI HUB
Sustainability@UPM